


Գիտություն

ՓԵՏՐՎԱՐ
№ 2
(219)
2010 թ.

«Գիտությունների ազգային ակադեմիայի թերթ» Հրատարակվում է 1993 թ. փետրվարից



«Գիտության աշխարհում» - 5

ՀՀ ԳԱԱ նիստերի դահլիճում կայացավ հանդիսություն, որը նվիրված էր ԳԱԱ «Գիտության աշխարհում» գիտահանրամատչելի հանդեսի հրատարակման 5-ամյակին:

Հանդիսությունը բացեց ՀՀ ԳԱԱ նախագահ, ակադեմիկոս Ռադիկ Մարտիրոսյանը: Կարևորելով հանդեսի նշանակությունը հանրամատչելի գիտության տարածման և պրոպագանդան գործում, ՀՀ ԳԱԱ նախագահը մասնավորապես ընդգծեց հանդեսի դերը մեր օրերում, երբ մեր հանրապետությունը նշանաբան է ընտրել գիտատար տնտեսության, գիտելիքի երկիր կառուցելու կարգախոսը: ԳԱԱ նախագահը շնորհավորեց «Գիտության աշխարհում» գիտահանրամատչելի հանդեսի խմբագրակազմին և հրատարակիչներին, հանդեսին մաղթեց նորանոր հորեյաններ և ստեղծագործական հաջողություններ:

Այնուհետև ելույթ ունեցավ հանդեսի գլխավոր խմբագիր, ՀՀ ԳԱԱ ակադեմիկոս Էդուարդ Ղազարյանը և ներկայացրեց հանդեսի ստեղծման պատմությունը, նրա առջև դրված խնդիրները և այն անելիքները, որոնք ծրագրել է խմբագրակազմը:

Իր տեսակի մեջ Հայաստանի միակ հանդեսի հնգամյակը շնորհավորեցին և ողջունի ուղերձներ հանձնեցին ՀՀ Սփյուռքի նախարար Հրանուշ Հակոբյանը, ՀՀ ԲՈՂ-ի նախագահ, պրոֆեսոր Արմեն Թռչունյանը, ՀՀ ԳԱԱ Արվեստի ինստիտուտի տնօրեն Արարատ Աղասյանը, Գավառի պետական համալսարանի ռեկտոր Ռ. Հակոբյանը, Հայ-ռուսական (սլավոնական) համալսարանի գիտական գծով պրո-ռեկտոր Պարզև Ավետիսյանը, Գյումրիի պետական մանկավարժական ինստիտուտի ռեկտոր Վ. Գրիգորյանը, Երևանի պետական համալսարանի Արտաշես Շահինյանի անվան ֆիզմաթ. դպրոցի տնօրեն Հ. Նավասարդյանը:

Հանդիսությունը հակիրճ խոսքով ամփոփեց ՀՀ ԳԱԱ նախագահ Ռադիկ Մարտիրոսյանը և ՀՀ Գիտությունների ազգային ակադեմիայի վաստակագրեր և պատվոգրեր հանձնեց հանդեսի հրատարակման գործում աչքի ընկած մի խումբ նվիրյալների:

- Պարգևատրվածների թվում են՝
- ԱՆԴՐԱՆԻԿ ՄԱՐԳԱՐՅԱՆԸ (հետմահու)՝ «Գիտության աշխարհում» գիտահանրամատչելի հանդեսի հիմնադրմանը մատուցած անգնահատելի ծառայությունների համար,
 - ՀԱՅԿ ՂԱԶԱՐՅԱՆԸ՝ որպես «Գիտության աշխարհում» գիտահանրամատչելի հանդեսի ամենակատիվ ընթերցող և գովազդող,
 - ՇԱՀԵՆ ԽԱՉԱՏՐՅԱՆԸ՝ որպես «Գիտության աշխարհում» գիտահանրամատչելի հանդեսի ամենակատիվ հեղինակ,
 - «Գիտության աշխարհում» գիտահանրամատչելի հանդեսի գործադիր տնօրեն ԱԼԲԵՏ ՍԱՐԳՅԱՆԸ՝ Հանդեսի 5-ամյակի կապակցությամբ:
 - «Գիտության աշխարհում» գիտահանրամատչելի հանդեսի պատասխանատու քարտուղար ՆԱՐԻՆԵ ՎԱՐԴԱՆՅԱՆԸ՝ Հանդեսի 5-ամյակի կապակցությամբ:
 - ԱԼՎԱՐԴ ՕՅԱՆՉԱՆՅԱՆԸ՝ «Գիտության աշխարհում» գիտահանրամատչելի հանդեսի գեղարվեստական ձևավորման համար:
 - ԶՐԻՍՏԻՆԵ ՀՈՒՎԱՆՆԻՍՅԱՆԸ՝ «Գիտության աշխարհում» գիտահանրամատչելի հանդեսի սրբագրական աշխատանքների համար:


Սրտանց շնորհավորում են «Գիտության աշխարհում» գիտահանրամատչելի հանդեսի խմբագրակազմին՝ հանդեսի հիմնադրման 5-ամյակի կապակցությամբ:

Հինգ տարի առաջ ՀՀ ԳԱԱ հովանու ներքո հիմնադրվեց ակադեմիայի պատմության մեջ առաջին և միակ գիտահանրամատչելի հանդեսը: Ժամանակը ցույց տվեց, որ նրա գոյությունը, իրոք, անհրաժեշտ էր և պետքական: Ակադեմիայում լույս են տեսնում գիտական տարբեր ուղղություններով տարբեր ամսագրեր, սակայն բոլոր բնագավառները մեկտեղող, գիտահանրամատչելի միակ հանդեսը «Գիտության աշխարհում»-ն է: Այս հինգ տարիների ընթացքում նրա գործունեությունը ու ընթերցողների ջերմ ու դրական արձագանքները ապացուցում են, որ հանդեսն իր առջև դրած նպատակները լավագույնս իրականացնում է: «Գիտության աշխարհում»-ի էջերում հանդես են գալիս հանրապետության լավագույն գիտնականներից շատերը, հոդվածները գիտության արդի հիմնախնդիրներին նվիրված հետաքրքրաշարժ նյութեր են, դիզայնը և ձևավորումը՝ ժամանակակից և գրավիչ: Այն իր բարձր որակով և առանձնանում է մեր հանրապետությունում լույս տեսնող գիտական հանդեսներից: Հանդեսն այսօր ունի բաժանորդների և ընթերցողների կայուն բանակ, հեղինակների մշտական բանկ:

Այսօր դուք տոնում եք հանդեսի 5-ամյակը: Մաղթում են Ձեզ երկար տարիների բեղմնավոր ստեղծագործական աշխատանք և նորանոր ձեռքբերումներ:

Ռադիկ ՄԱՐՏԻՐՈՍՅԱՆ
ՀՀ ԳԱԱ նախագահ, ակադեմիկոս

ՄԵԿՆԱՐԿԵՑ ՏԵՐՅԱՆԱԿԱՆ ՏԱՐԻՆ



Մի՛ խառնեք մեզ ձեր վայրի, արջի ցեղերին,-
Մեր երկիրը ավերված, բայց սուրբ է և հին:
Որպես լեռն է մեր պայծառ փեսեյ հազար ձյուն,
Այնպես նոր չեն մեզ համար դավ ու դառնություն:
Բարելոնն է եղել մեր փխտյանը՝ փոխ-
Անհեպ կորել, անցել է - չար մշուշի պես:
Ատրիքն է եղել մեր թշնամին- ահա՛
Դաշտ է փեղը և չքա քար քարի վրա:
Անրակոտ է մեր հոգին- դարերի գավակ՝
Շար է փեսեյ մեր սիրտը ավեր ու կրակ:
Շար է փեսեյ երկիրն իմ ցավ ու արհավիրք,
Լաց է այնպեղ ամեն երգ և ողբ ամեն գիրք:
Գերված ենք մենք, ո՛չ սպրուկ - գերված մի արծիվ,
Չարության դեմ վեհաիրպ միշտ, վափի դեմ ազնիվ:
Բարբարոսներ շար կըզան ու կանցնեն անհեպ,
Արքայական խոսքը մեր կընա հավեր:
Չի հասկանա ձեր հոգին և ծուլ, և օտար,
Տաճար է մեր երկիրը՝ սուրբ է ամեն քար:
Եգիպտական բուրգերը փոշի կըդառնան,
Արևի պես, երկիր իմ, կվառվես վառման:
Որպես Փյունիկ կրակից կելնես, կելնես նոր
Գեղեցկությամբ ու փառքով վառ ու լուսավոր:
Արիացի՛ր, սիրտ իմ, ե՛լ հավաքով փոկուն,
Կանգնի՛ր հպարտ որպես լույս լեռն է մեր կանգուն:

Այսպեղ է լացել իմ մայրը
Մորմոքն իր և իր օրորը,
Այսպեղ այնպես անձայր է
Թախիծը և այնպես խոր է:

Մեր փունը համր ու դափարկ է,
Մեր փունը որբ ու ավեր է,
Բարակ գանգակի գարկը
Լալիս է երկրիս ցավերը...

Արմեն Սաղաթեյանը վերընտրվեց

ՀՀ ԳԱԱ Էկոլոգոնոսֆերային հետազոտությունների կենտրոնի տնօրենի պաշտոնում միաձայն վերընտրվեց կենտրոնի տնօրեն Ե.հ.գ.դ. Արմեն Սաղաթեյանը: Տնօրենի ընտրությունը տեղի ունեցավ փետրվարի 10-ին ՀՀ ԳԱԱ նախագահության նիստում:

ՀՀ ԳԱԱ Տեղեկատվական-վերլուծական կենտրոն